

BINUHATAN 3:1-10

NAGLAKAT SA PAGTUO... (3 KA BUTANG)

● 1ST –ANG GAHOM SANG PANGAMUYO... vs. 1

- o Si Pedro kag si Juan naglakat sa Templo sa pagpangamuyo kada hapon...
 - Ang una nga 3 ka chapter sa Binuhatan nagasaysay sang kabuhi ni Pedro...
 - Halin sa pagpili kay Matias nga mangin ika 12 nga Apostol...
 - Asta sa adlaw sang Pentecostes -kag nagsugod sang simbahan...
 - Mapinsar kita nga si Pedro pinasahi nga tinuga...
 - Ang Katoliko nga simbahan nagatudlo nga si Pedro ang una nga Pope...
- o Ang kamatuoran si Pedro isa ka ordinaryo nga tawo- wala sang pinasahi sa iya...
 - Ang lain lang sa kabuhi ni Pedro naghatag siya tion sa pagpangamuyo...
 - Siguro ang iya pangamuyo nga pun-an siya adlaw adlaw sang gahom sang Espiritu!
 - Pwede ka makabaton sang yabe sang bag-o nga salakyan...
 - Pero kun indi mo pag gamiton indi ka malakat...
 - Ang Dios naghatag sang gahom sa pakabuhi kay Jesus-balaan nga kabuhi!
 - Ang yabe ang pangamuyo nga makaagom kita sang gahom sang Dios– **Lucas 11:13**
 - Paagi sa pangamuyo makabaton kita sang gahom sang Espiritu sa pagkabuhi sa Dios!
 - Gahom sa pagpanugid sa iban sang paglaom ni Jesu Cristo- amo ang Maayong Balita...
 - Gahom nga malikawan ang sala nga kahapos naton himuo!

● 2ND –MANGITA SANG OPURTUNIDAD... vs. 2-5

- o 1ST – May tawo nga lupog halin pa sang iya pagkatawo... vs. 2
 - Ang pamangkot – ngaa gintuga siya sang Ginoo nga indi kalakat...
 - Kabudlay ini nga pamangkot-ngaa may mga bata nga may deperensya...
 - Kabalo ang Dios sang sala ila sala nga himuon kag ginapinahan na sila nga daan...
 - Tuod bala nga antis nagsulod ang sala sa kalibutan wala mga masakit...
 - Kag ang sala amo ang rason sang pag-antos kag masakit (Adam & Eva) - **Genesis 3**
 - Indi na pinahan sang Dios ang mga bata sa mga sala nga il abasi himuon...
 - Ang buot silingon nga ang Ginoo may plano nga wala naton nahibaluan...
 - Plano nga indi para sa sini nga kabuhi kundi sa kabuhi nga wala katapusan sa langit!
 - May isa ka pamilya nga may bata nga indi ka kita, indi kalakat...
 - Ang bata ang rason nga lapit sila kay Jesus subong!
 - Ang bata nga indi kalakat ayhan pina sa sala sang mga ginikanan...
 - **Ezekiel 18:20** - "Ang anak indi dapat silutan tungod sa sala sang iya amay, kag ang amay indi dapat silutan tungod sa sala sang iya anak."
 - Indi aton responsibilidad ang sala sang iban-kag indi man ila ang aton sala...
 - Kun ang amay may sala-ang mga bata apektado- pero indi responsibilidad
 - Kun ang bata may sala-ang ginikanan apektado pero indi responsibilidad...
 - Isa isa kita matindog sa atubang sang Dios-kita masabat sa aton binuhatan...
 - Indi kita makabasol sa iban sa aton ginhimo!

- Ano ang sabat-para ang gahom sang Dios mapakita sa sini nga tawo...
 - **Juan 9:3** – “Indi tungod sang iya sala ukon sang sala sang iya mga ginikanan, kundi nabulag siya agod makita sang mga tawo ang gahom sang Dios *paagi sa pag-ayo sa iya.*
 - Ang Ginoo may plano nga indi naton matungkad- Iya pamaagi indi aton...
 - **Isaias 55:8-9** – “Ang akon panghunahuna indi pareho sa inyo panghunahuna...”
 - Ang gahom sang Dios indi naton matungkad...
 - Ginalimitahan naton ang Ginoo base sa aton masarangan himuon...
 - Amo ang rason nga indi naton makita nga naga obra siya sa aton kabuhi!
- Indi ang tanan nga masakit tungod sa sala-kun kaisa ginagamit ini sang Ginoo sa aton...
 - Ang aton paghangop nga- malain nga mga butang ga abot sa malain nga mga tawo...
 - Ang malain nga mga butang naga abot sa mga inocente nga mga tawo...
 - Si Job matarong nga tawo- pero ang ginpasugtan sang Dios nga nagmasakit siya...
 - Ang iya lawas napun-an sang hubag halin sa ulo asta sa tiil- **Job 2:7**
 - Kay nabatian lang ni Job si Jesus antis sang iya pagtilaw pero pagkatapos...
 - **Job 42:5** - “Sadto anay nabatian ko lang sa iban ang parte sa imo, pero subong nakita ko mismo ikaw.”
 - Sa kabudlayan sang kabuhi kita naga panawag kag nagapalapit sa Dios!
- o 2nd - Ang lupog ginadala sa pwertahan nga ginatawag “Matahom”...
 - An important Gate from a historical perspective...
 - Importante ini nga gate sang history...
 - Ara pa ini nga gate asta subong halin pa sa tion ni Jesus natawag man ‘Golden Gate’...
 - Ang Greek nga pulong ‘Matahom’ nagsala sa pag translate sa ‘Golden’...
 - Amo lang ini nga gate halin sa Mount of Olives...
 - Nangin pinka importante nga gate sa siyudad sang Jerusalem...
 - Ang importante nga gate sa Bibliya...
 - Sa ini nga gate nagsulod si Jesus sa Jerusalmes pag Palm Sunday...
 - **Lucas 19:37-38** – “Kag sang nagapadulhog na siya halin sa Bukid sang mga Olibo, nagakalipay ang iya mga sumulunod kag nagasinggit sa pagdayaw sa Dios tungod sang mga milagro nga ila nakita...” “Ginapakamaayo sang Ginoo ang Hari nga iya pinadala! Dayawon ta ang Dios!”
 - Amo man ini nga gate masulod si Jesus sa ika 2 nga pagbalik-halin sa Mt. of Olives...
 - **Zacharias 14:4** – “Sa sina nga adlaw, magatindog siya sa Bukid sang mga Olibo...”
 - Gusto nga sirad-an sang mga Muslim ang gate-ginbutangan nila patyo sa atubang...
 - Para indi kuno kaagi si Jesus magsuolod sa siyudad magbalik Siya!
 - Ang ini nga lupog gindala sa sini nga gate kada adlaw-nagalaom nga makita si Jesus...
 - Paano kita makabulid sa mga naga-antos-sa lawas/espirituhanon/emosyon...
 - Dal-on sila sa lugar nga makita nila si Jesus!
 - Basi indi sila dayon pag-ayuhon pero indi kita mag-untat!
 - Padayon kita sa pagdala para makita nila si Jesus!
- o 3rd – Ang lupog nagpakilimos kay Pedro kag kay Juan... vs. 3-5
 - Ginhimutaran siya ni Pedro kag ni Juan...
 - Nagalaom siya nga makakuha limos...

- Pero gusto siya tagaan sang Ginoo mas labaw pa sa kwarta...
- Ang gusto sang Ginoo tagaan kita labaw pa sa aton gina handom...
 - Ang Pastor namangkot samtang naga prayer meeting kun sin-o kinanglan pangamuyo...
 - May duwa ka apo nga nagtulod sang ila lolo nga naka wheelchair...
 - Ginpangamuyuan niya ang lolo nga ayuhon kag nakalakat siya liwat!
 - Nakibot ang mga apo kay ang pangamuyuan tani ya sip-on lang ang ayuhon!
 - **Efeso 3:20** – *“Dayawon ta ang Dios, tungod nga paagi sa iya gahom nga nagapanghikot sa aton, ang iya mahimo sobra pa sa aton ginapangayo ukon ginahunahuna.”*
 - Gusto sang Ginoo nga bugayan kita kun tani kita magtuo kag magpati sa Iya...
 - Gusto sang Ginoo maghimo sang mga imposible nga indi naton mapinsaran!
- **3RD –MAGLAKAT NGA MAY PAGTUO... VS. 6-10**
 - o 1st - Ordinaryo lang nga adlaw... vs. 6
 - Kay si Pedro kag si Juan kada adlaw ara sa Templo-permi nila nakita ang ini nga lupog...
 - Kag si Jesus kapila man naglabay sa sini nga tawo...
 - Pero wala gin-ayo ni Jesus ang ini nga lupog...
 - Kag si Pedro wala kabalo nga ayuhon siya sang Ginoo sa ina nga adlaw...
 - Wala siya nagpinsar nga sang sina nga aga pinasahi nga adlaw...
 - Ginkuha ni Pedro ang oportunidad nga maglakat sa pagtuo!
 - Wala kita kabalo kun san-o ang Ginoo mag obra paagi sa aton...
 - **Mabal-an nimo paagi sa paglakat nga may pagtuo...**
 - **Dira nimo mabal-an kun ang Ginoo naga panghikot ukon wala...**
 - Sang san-o ang katapusan nga naghimo ka sang butang nga may pagtuo...
 - Siguro pagsugid sa iban parti kay Jesus-basi magtuo sila ukon indi...
 - Pag pangamuyo sa masakiton-basi ayuhon sang Ginoo basi indi!
 - **Sigurado gid kun indi ka mag giho-wala sang may matabo!**
 - Hapos lang magpawala indi magsalig nga Ginoo maghikot- pero indi kita magtubo...
 - **Ang delikado sa aton pagka Kristohanon ang pagpawala nalang...**
 - **Nagtuo ka na kay Jesus/ mapa langit ka na/gasimnba/ga basa Bibliya...**
 - **Nagaabot sa aton ang lugar nga ok na kita-indi na kita naga lakat sa pagtuo...**
 - **Ang pagtubo sa Ginoo-amo ang padayon nga maglakat sa pagtuo sa paghimo sa bag-o nga mga butang...**
 - **Kaangay sa imo lawas kun indi ka mag giho-dapat ma exercise kaangay sa pagtuo...**
 - **Kun basi ang pag pray sa damo tawo indi na budlay para sa imo...**
 - **Basi may butang naman nga dapat mo himuo kag magtuo nga ang Ginoo mabulig!**
 - **Kun indi na kita maglakat sa pagtuo-naga amat amat kita palayo sa Dios...**
 - **Ang matabo sulit sulit lang ang aton nahimo-indi na kinahanglan ang patuo!**
 - o 2nd – Siling ni Pedro wala gid ako sing kuwarta... vs. 6-7
 - Magamit sang Ginoo ang kuwarta pero indi na kinahanglan...
 - **Abi naton kay pigado kita-wala kita sang may mahimo...**
 - **Ang pag gamit sang Ginoo indi nabase kun pila ang imo kuwarta...**
 - **Kita tanan pareho ang aton kinahanglan - si Jesus!**
 - **Ang aton kinahanglan ang ma painubuson nga tagipusoon...**

- Handa mag lakat sa pagtuo kag magpati sang imposible nga matabo!
- Nag mando si Pedro sa tawo nga magtindog...
 - Pero ang lupog wala nakatindog nga siya lang-indi pa siya handa magpati...
 - Lupog siya sa iya bug-os nga kabuhi-ngaa subong?
 - Pero ginkaptan ni Pedro ang tuo nga kamot kag ginpatindog!
 - Tanan kita may pamilya kag mga abyan nga wala pagtuo kay Jesus...
 - Basi kabalo sila sang ngalan ni Jesus pero wala pa sila napakilala sa Iya...
 - Ginahagad sila permi masimba pero nagabalibad gihapon...
 - Para sa ila wala sang may mabulig-indi nila makita nga si Jesus ang kinahanglan...
 - Basi dapat nga kaptan ang ila kamot kag dal-on kay Jesus!
- o 3rd - Ang lupog nakalakat... vs. 8-10
 - Sige ang iya lakat kag nagtumbo tumbo nga nagadayaw sa Dios...
 - 40 na ka tuig nga lupog siya– **Binuhatan 4:22**
 - Gulpi lang siya naglakat lakat kag nagtumbo tumbo kaangay sa bata!
 - Ang pag-ayo sa iya indi partial kundi completo...
 - Kun ang Ginoo magsugod obra nasiguro Niya nga matapos ini!
 - **Filipos 1:6** – “Nasiguro ko gid nga ang Dios nga nagsugod sa paghimo sang maayo nga mga butang sa inyo magapadayon gid sa paghimo sini hasta sa adlaw nga si Cristo Jesus magbalik.”
 - Sang gin-ayo siya naglakat siya Templo nga naga dayaw sa Ginoo!
 - Sang nakita siya sang mga tawo nga nagalakat nga nagadayaw sa Dios!
 - Natalupangdan nila nga siya gali amo ang tawo nga nagapungko kag nagapakilimos..
 - Sang pag-ayo sang Ginoo sa lupog indi lang siya ang naapektohan...
 - May 5000 ka mga tawo ang nagtuo man kay Jesus!
 - Kun maghatag kita tion sa pagpangamuyo nga pun-an kita sang Iya Espiritu...
 - Makita naton ang kinahanglan sa aton palibot kag may opurtunidad sa pagsugid kay Jesus...
 - Kag kun kita maglakat sa pagtuo makita naton ang kabuhi nga may pagbag-o...
 - Kag damo maapektuhan sang gahom sang Dios paagi sa aton kabuhi...